

書名 陽明先生文錄五卷外集九卷別錄十卷 嘉靖十五年序刊本
撰者 明 王守仁 撰
卷 卷四
內容分類 集-別集-明中葉
索書號 大木-集部-別集類-58
編號 D7431400

卷四



彩色首頁1

東洋文化研究所漢籍目錄 編號: D7431400
東洋文化研究所漢籍目錄所藏漢籍善本文影像資料庫 索書號: 大木-集部-別集類-58
漢籍善本文影像資料庫 陽明先生文錄五卷外集九卷別錄十卷 嘉靖十五年序刊本

版權所有: 東京大學 東洋文化研究所
使用上の注意事項

陽明先生文錄卷之一

始正德已
巳至與辰

與辰中諸生 巳巳

以爲喜又遽爾別去極怏怏也絕學之餘求道者少
兩年無可與語者歸途乃得諸友何幸何幸方
庶幾最易搖奪自非豪傑鮮有卓然不變者諸
砥礪夾持務期有成近世士夫亦有稍知求
德未成而先揭標榜以來世俗之謗是
無立反爲斯道之梗也友宜以是爲鑒
務於切已處着實用功當在寺中所云靜



陽明先生文錄卷四

外集

江西詩一百二十首

正德己卯年奉勅往福

趨還吉安集兵平之八月

陞副都御史巡撫江西作

甲馬秋驚鼓角風旌旌曉拂陣雲紅勤王敢在汾淮
後戀關真隨江漢東群醜漫勞同吠犬 九重端合
是飛龍涓埃未遂酬滄海病懶先須伴赤松

書草萍驛

九月獻俘北上駐草萍時已暮忽傳王師已
及徐淮遂乘夜速發次壁間韻紀之一首

一戰功成未足奇，親征消息尚堪危。
邊烽西北方傳警，民力東南已盡疲。
萬里秋風嘶甲馬，千山斜日度旌旗。
小臣何爾驅馳急，欲請回鑾罷六師。
千里風塵一劍當，萬山秋色送歸航。
堂垂雙白虛頻踧，門已三過有底忙。
羽檄西來秋黯黯，關河北望夜蒼蒼。
自嗟力盡螳螂臂，此口回天在廟堂。

西湖

靈鷲鳥高林，暑氣清竺天。
石壁雨痕晴，客來湖上逢雲起。
僧住峰頭話月明，世路久知難直道。
此身那得尚虛名，移家早定孤山計。
種菓支茅却易成。

寄江西諸士夫

甲馬驅馳已四年，秋風歸路更茫然。
慚無國手醫民病，空有官銜糜俸錢。
湖海風塵雖暫息，江湘水旱尚相沿。
題詩忽憶并州句，回首江西亦故園。

太息

一日復一日，中夜坐嘆息。
庭中有嘉樹，落葉何淅瀝。
蒙翳亂藤纏，寧知絕根脉。
丈夫貴剛腸，光陰勿虛擲。
頭白眼昏昏，吁嗟亦何及。

宿淨寺四首

十月至杭，王師遣人追尋，遂謝病還居西

老屋深松覆古藤，羈縻猶記昔年曾。
棋聲竹裏消閒晝，藥裹爐前對病僧。
烟艇避人長曉出，高峰望遠亦時登。
而今更是多牽繫，欲似當時又不能。
常苦人間不盡愁，每拚須是入山休。
若爲此夜山中宿，猶自中宵煎百憂。
百戰西江方底定，六飛南甸尚淹留。
何人真有回天力，諸老能無取日謀。
百戰歸來一病身，可堪時事更愁人。
道人莫問行藏計，已買桃花洞裏春。

山僧對我笑長見，說歸山如何十年別。
依舊不曾閑歸興。

一絲無補 聖明朝兩鬢徒看長，二七自識淮陰非。
國士由來康節是人豪，時方多難公文抗事已無能。
欲善刀越水東頭尋舊隱，白雲茅屋巖臺高。

即事漫述四首

從來野性只山林，翠壁丹梯處處尋。
一自子名繁世網，遂令真訣負初心。
夜馳險寇天峰雪，愁虜強王漢水陰。
辛辛苦苦半生成底事，始憐莊舄亦哀吟。
百戰深秋始罷兵，六師冬盡尚南征。
誠微未足回天意，忙僻還多拂世情。
烟水滄江從鶴好，風雲溟海任龍爭。
他年若訪陶元亮，五柳新居在赤城。

宦宦深愁伴客居江船風雨夜燈虛尚勞 車駕臣
多缺無補瘡痍術已疎親老豈堪還遠別時危那得
久無書明朝且就君平卜要使吾心不負初
茅茨松菊別多年底事寒江尚客船強所不能儒作
將付之無柰數由天徒聞諸葛能興漢未必田單解
誤燕最羨漁翁閒事業一竿明月一簑煙

泊金山寺二首

十月將
趨行在

但過金山便一登鳴鐘出迓每勞僧雲濤石壁深龍
窟風雨樓臺迥佛燈難後詩懷全欲減酒邊孤興尚
堪憑巖梯未用妨苔滑曾踏天峯雪棧冰

醉入江風酒易醒片帆西去雨冥冥天廻江漢留孤
住地缺東南着此亭沙渚亂更新世態峰巒不改舊
時青舟人指點龍王廟欲話前朝不忍聽

舟夜

隨處看山一葉舟夜深霜月亦兼愁翠華此際遊何
地畫角中宵起戍樓甲馬尚屯淮河北旌旗初散楚
江頭洪濤衮衮乘風勢容易開帆不易收

舟中至日

歲寒尤覺滯江濱漸喜陽回大地春未有一絲添衣
繡漫提三尺爭風塵丹心倍覺三千來古白髮從教鏡

裏新若待完名始歸隱桃花笑殺武陵人

阻風

冬江盡說風長北偏我北來星漢南未必天公真有
意却逢人事偶相參殘農得地堪登穫破屋多寒且
曝簷果使困窮能稍濟不妨明月阻江潭

用韻答伍汝真

莫怪鄉思日夜深干戈衰病兩相侵孤腸自信終如
鐵衆口從教盡鑠金碧水丹山曾舊約青天白日是
知心茅茨歲晚饒風景雲滿清溪雪滿岑

過鞋山戲題

曾駕雙虬渡海東青鞋失脚墮天風經過已是千年
後踪跡依然一夢中屈子慢勞傷世隘楊朱空自泣
途窮正須坐我匡廬頂濯足寒濤步曉空

楊邃菴待隱園次韻五首

嘉園名待隱專待主人歸此日真歸隱名園竟不違
巖花如共諾山石故相依朝市都忘却無勞更掩扉
其一

大隱真廬市名園陋給孤留侯先謝病范老竟歸湖
種竹非醫俗移山不是愚是日公方移山石對時存爽理經
濟自成謨

其三

綠野春深地山陰夜靜時
冰霜綠逕滑雲石向人危
平難心仍在扶顛力未衰
江湖兵甲滿吟罷有餘思

其四

茲園聞已久今度始來窺
市裏烟霞靜壺中結構奇
勝遊須繼日虛席亦多時
莫道東山僻蒼生或未知

其五

芳園待公隱屯世待公亨
花竹深臺榭風塵暗甲兵
一身良得計四海未忘情
語及艱難際停盃淚欲傾

登小孤書壁

人言小孤殊阻絕從來可望不可攀
上有顛崖勢欲墮下有劔石交巉頽
峽風閃壁船難進洪濤怒撞蛟龍關
帆檣摧縮不敢越往往退次依前山
崖傍沙岸日東徙忽成巨浸通西濟
帝心似憫舟楫苦神斧夜闢無痕斑
風雷倏翕見萬恠人謀不得容其間
我來銳意欲一往小舟微服沿回瀾
側身脇息仰天竇懸空絕棧蛛絲怪
風吹卵酒眼花落東滑丹梯足力孱
青鬣吹雨出仍沒白鳥避客來復還
峰頭四顧盡落日宛然風景如瀛寰
烟霞未覺三山遠塵土聊乘半日閒
竒觀江海詎爲險世情平地猶多艱
嗚呼世情

平地猶多艱回瞻 北極雙淚潄

登鵝矼次草泉心劉石門韻二首

中流片石倚孤雄下有馮夷百尺宮
灑瀕西蟠渾失地長江東去正無窮
徒聞吳女埋香玉惟見沙鷗亂雪風
往事淒微何足問永安宮闕草萊中
江上孤臣一片心幾經漂沒水痕深
極冷撐住即從古正恐崩頽或自今
蘚蝕秋螺殘老翠鵝鳴春雨落空音
好携雙鶴矼頭坐明月中宵一朗吟

望廬山

盡說廬山若箇奇當時圖畫亦堪疑
九江風浪非前

日五老烟雲豈定期眼慣不妨層壁險
足跡須著短筇隨香爐瀑布微如綫
欲决天河瀉上池

除夕伍汝真用待隱園韻即席次答五首

一年今又去獨客尚無歸人世傷多難
親庭難又違壯心都欲盡衰病特相依
旅館聊隨俗桃符換早扉

其二

向憶青年日追歡興不孤風塵淹歲月
漂泊向江湖濟世渾無術違時竟笑愚
未須悲蹇難

謨

其三

正逢兵亂地況是歲窮時天運終無息人心本自危
憂疑分并集筋力頓成衰千載商山隱悠然獲我思

其四

世道從危漏人情只管窺年華多涉歷變故益新奇
莫憚顛危地曾逢全盛時海翁機已息應是白鷗知

其五

星窮回曆紀貞極起元亨日望天迴駕先沾雨洗
兵雪猶殘歲戀風已舊春情莫更辭監尾人生未幾

傾

元日霧

元日昏昏霧塞空出門咫尺誤西東人多失足投坑
塹我亦停車泣路窮欲斬蚩尤開白日還排閭闔拜
重瞳小臣漫有澄清志安得扶搖萬里風

二日雨

昨朝陰霧埋元日向曉寒雲迸雨聲莫道人爲無感
召從來天意亦分明安危他日須周勃痛哭當年笑
賈生坐對殘燈愁徹夜靜聽晨鼓報新晴

三日風

一霧二雨三日風田家卜歲疑凶豐我心惟願兵甲
解天意豈必斯民窮虎旅歸息懷舊土臺榭消息

望還宮春盤濁酒聊自慰無使戚戚于吾衷

立春二首

才見春歸春又來春風如舊髮毛衰梅花未放天機
泄萱草先將地脉回漸老光陰逢世難經年懷抱欲
誰開孤雲渺渺親庭遠長日斑衣羨老萊
天涯霜雪嘆春遲春到天涯思轉悲破屋多時空杼
軸東風無力起瘡痍周王車駕窮南服漢將旌旗守
北陲莫訝春盤斷生菜人間菜色正離飢

遊廬山開元寺

僻生尋常慣受猜看山又是百忙來北風留客

南寺逢僧即未回白日高峯開雨雪青天飛瀑瀉
雲雷綠溪踏得支茆地修竹長松覆石臺

又次壁間杜牧韻

春山路僻問歸樵爲指前峯石逕遙僧與白雲還
暝壑月隨滄海上寒潮世情老去渾無賴遊興年來獨
未消回首孤航又陳迹踈鐘隔渚夜迢迢

舟過銅陵埜云縣東小山有鐵船因往觀之果
見其彷彿因題石上

青山滾滾如奔濤鐵船何處來停橈人間剗木寧有
此疑是仙人之所操仙人一去已千載山頭日日長

風號船頭出土尚彷彿後岡有石云船稍我行過此
費忖度昔人用心無乃忉由來風波平地惡縱有鐵
船還未牢秦鞭驅之未能動鼻力何所施其篙我欲
乘之訪蓬島雷師鼓舵虹爲鑲弱流萬里不勝芥復
恐駕此成徒勞世路難行每如此獨立斜陽首重搔

山僧

巖下蕭然老病僧曾求佛法禮南能論詩自許窺三
昧入聖無梯出小乘高閣松風飄夜磬石床花雨落
寒燈更深月出山牕曙漱齒焚香誦法楞

江上望九華山二首

當年一上化城峯十日高眠雷雨中霽色曉開千嶂
雪濤聲夜渡九江風此時隔水看圖書幾歲綠雲住
桂叢却負洞仙逢海約玉函丹訣在崆峒
窮探雖得盡幽奇山勢須從遠望知幾朵芙蓉開碧
落九天屏嶺列旌麾高同華嶽應無忝名亞匡廬却
稍卑信是謫仙還具眼九華題後竟難移

觀九華龍潭

飛流三百丈頽洞祕靈湫峽圻閉雷斧天虛下月鉤
化形時試鉢吐氣或成樓吾欲鞭龍走爲霖遍九州
廬山東林寺次韻

東林日暮更登山峰頂高僧有蘭若雲蘿磴道石參
差水聲深澗樹高下遠公學佛却接儒淵明嗜酒不
入社我亦愛山仍戀官同是乾坤避人者我歌白雲
聽者寡山自點頭泉自瀉月明壑底忽驚雷夜半天
風吹屋瓦

又次邵二泉韻

昨遊開元殊草草今日東林遊始好手持蒼竹撥層
雲直上青天招五老萬壑笙竽松籟哀千峯晻映芙
蓉開坐俯西巖窺落日風吹孤月江東來莫向人間
空白首言貴何如一杯酒種蓮栽菊兩荒涼惠遠陶
潛骨何朽乘風我欲還金庭三洲弱水連沙汀他年
海上望廬頂烟際浮萍一點青

遠公講經臺

遠公說法有高臺一朵青蓮雲外開臺上久無獅子
吼野狐時復聽經來

太平宮白雲

白雲休道本無心隨我迢迢度遠岑攔路野風吹楚
斷又窠深樹候前林

書九江行臺壁

九華真實是奇觀更是廬山亦耐看幽勝未窮三日

興風塵已覺再來難
眼餘五老晴光碧
衣染天池綠
翠寒却恠寺僧能
好事直來城市索詩刊

又次李僉事素韻

省災行近郊探幽指層麓
回飈振玄岡頽陽薄西陸
菑田收積雨禾稼泛平菴
取徑歷村墟停車問耕牧
清溪厲月行暝洞披雲宿
浙米石間溜斧薪澗底木
田翁來聚觀中宵尚馳逐
將迎愧深情瘡痍慚撫掬
幽枕靜無寐風泉朗鳴玉
雖繆真訣傳頗苦塵緣熟
終當遁名山鍊藥洗凡骨
槭辭謝親交流光易超忽
繁昌道中阻風二首

阻風夜泊柳邊亭
懶夢還鄉午未醒
卧穩從教波浪
惡地深長是水雲
真入林沽酒村童引
隔水放歌漁
父聽頗覺看山綠
獨在蓬牕剛對一峯青

東風漠漠水澃澃
花柳沿村春事殷
泊久漁樵來作
市心閒麋鹿漸同群
自憐失脚趨塵土
長恐歸期負
海雲正憶山中詩
酒伴石門延望幾斜曛

江邊阻風散步至靈山寺

歸船不遇打頭風
行脚何緣到此中
幽谷餘寒春雪
在虛簷斜日暮
江空林間古塔無
僧住花外仙源有
路通隨處看山隨
處樂莫將踪跡嘆萍蓬

泊舟大同山溪間諸生聞之有挾冊來尋者
扁舟經月住林隈謝得黃管日日來兼有清泉堪洗
耳更多修竹好窗盃諸生泚水搥詩卷童子和雲掃
石苔獨杰華峰隔煙霧時勞策杖上崔嵬
巖下挑花盃開携酒獨酌
小小山園幾樹桃安排春色候停橈開樽旋掃花陰
雪展席平臨松頂濤地遠不須防俗駕溪晴還好着
漁舸雲間石路稀人跡深處容無避世豪

白鹿洞獨對亭

五老隔青冥尋常不易見我來騎白鹿凌空陟飛

長風捲浮雲褰帷始窺面一笑仍舊顏媿我鬢先變
我來爾爲主乾坤亦郵傳海燈照孤月靜對有餘眷
彭蠡浮一觴賓主聊酬勸悠悠萬古心默契可無辯

豐城阻風

前歲遇難於此
得北風幸免

北風休嘆北船窮此地曾經拜北風句踐敢忘嘗膽
地齊威長憶射鈎功橋邊黃石磯先授海上陶朱意
頗同況是倚門衰白甚歲寒茅屋萬山中

江上望九華不見

五旬三過九華山一度陰寒一度雨此來天色稍晴
明忽復昏霾起亭午平生山水最多緣獨此相逢容

有數人言此山天所秘山下居人不常睹逢萊涉海
或可求瑤水崑崙俱舊遊洞庭何止吞八九五嶽曾
向囊中收不信開雲掃六合手扶赤日照九州駕風
騎氣覽八極視此瑣屑真浮漚

江施二生與醫官陶埜冒雨登山人多笑之戲
作歌

江生施生頗好奇偶逢陶埜竒更痴共言山外有佳
寺勸予往遊爭願隨是時雷雨雲霧塞多傳險滑難
車騎兩生力陳道非遠埜請登高覘路岐三人冒雨
涉岡背旣仆復起相牽携同儕咻笑招之返奮袂徑

往凌歊崎歸來未暇顧沾濕且說地近山逕夷青林
宿靄漸開霽碧嶽絳氣浮微曦津津指譬在必往興
劇不道傍人嗤予亦對之成大笑不覺老興如童時
平生山水已成癖歷深探隱忘飢疲年來世務頗羈
縛逢場遇境心未衰埜本求仙志方外兩生學士亦
爾爲世人趨逐但聲利赴湯蹈火甘傾危解脫塵囂
事行樂爾輩狂簡爾見譏歸與歸與吾與爾陽明之
麓終爾期

遊九華道中

微雨山路滑山行入輕舟桃花夾岸迷遠近迴巒疊

嶺巖深幽奇峻應接勢回首瞻之在前忽在後不道
舟行轉屈曲但恠青山亦奔走薄午雨霽雲亦開青
鞋布襪無塵埃在溪柳徑度村落長松白石穿林隈
始攀風磴出木杪更俯懸崖聽瀑雷亂山高頂藏平
野茹屋高低自成社此中那得有入家恐是當年避
秦者西巖日色漸欲下且向前林秣吾馬世途濁隘
不可居吾將此地營蘭若

芙蓉閣

九華之山河崔嵬芙蓉直傍青天裁劍風倒海吹不
動大雪裂地凍還開夜半峯頭掛明月如如玉女臨

粧臺我拂滄浪寫圖畫題詩還媿謫仙才

重遊無相寺次韻四首

遊興殊未盡塵寰不可留山青只依舊白盡世間頭

其二

人迹不到地非次亦數間借問此何處云是九華山

其三

拔地千峰起芙蓉挿曉寒當年看不足今日復來看

其四

瀑流懸絕壁峯月上寒空鳥鳴蒼磻底僧住白雲中

登蓮花峯

蓮花頂上老僧居
脚踏蓮花不染泥
夜半華心吐明月
一顆懸空黍米珠

重遊無相寺次舊韻

舊識仙源路未差也
從谷口問桃花
屢攀絕棧經殘雪
幾度清溪踏月華
虎穴相隣多異境
鳥飛不到有僧家
頻來休下仙翁榻
只借峯頭一片霞

登雲峯望始盡九華之勝因復作歌

九華之峯九十九
此語相傳俗人口
俗人眼淺見皮膚
焉測其中之所有
我登華頂拂雲霧
極目奇峯那有數
巨壑中藏萬玉林
大劔長鎗攢武庫
有如智者

深韜藏復如淑女
避讒妬闔然避世
不求知卑已
人羞逞露何人不道
九華奇奇中之奇
人未知我欲窮
搜盡拈出秘藏
恐是天所私
旋解詩囊旋收拾
脫穎露出錐參差
從來題詩李白好
渠於此山亦潦草
曾見王維畫輞川
安得渠來拂纖縞

雙峯遺柯生齋

爾家雙峯下不見
雙峯景如錐處
囊中深藏未脫穎
盛德心愈卑
幽人迹多舛
悠然望雙峯
可以發深省
歸途有僧自望華
亭來迎且請詩

方自華峯下何勞更望華
山僧接故事要我到渠家

自謂遊已至那知望轉佳止如酣醉後醒酒卻須茶
無相寺金沙泉次韻

黃金不布地傾汴瀉流泉潭潭長開鏡池分或鑿
興雲為大雨濟世作豐年縱有貪夫過清風自灑

夜宿天池月下聞雷次早知山下大雨三首
昨夜月明峰頂宿隱隱雷聲在山麓曉來却問山下

人風雨三更捲葦屋
野人權作青山主風景朝昏頗裁取巖傍日脚半溪

雲山下雷聲一村雨
天池之水近無主木魅山妖競偷取公然又盜山頭

雲去向人間作風雨

文殊臺夜觀佛燈

老夫高卧文殊臺拄杖夜撞青天開散落星辰滿平
野山僧盡道佛燈來

書汪進之太極巖二首

一竅誰將混沌開千年樣子道州來須知太極元無
極始信心非明鏡臺

始信心非明鏡臺須知明鏡亦塵埃人人有箇圓圈
在莫向蒲團坐死灰

勸酒

平生忠赤有天知，便欲欺人肯自欺。
毛髮暗從愁裏改，世情明向笑中危。
春風脉脉回枯草，殘雪依依戀舊枝。
諛對芳樽辭醪訂，機關識破已多時。

重遊化城寺二首

愛山日日望山晴，忽到山中眼自明。
鳥道漸非前度險，龍潭更比舊時清。
會心人遠空遺洞，識面僧來不記名。
莫謂中丞喜忘世，前途風浪苦難行。

山寺重來十九秋，舊僧零落老比丘。
簷松盡長青冥榦，瀑水猶懸翠壁流。
人住層崖嫌洞淺，鳥鳴春澗覺山幽。
年來別有閑尋意，不似當時孟浪遊。

遊九華

九華原亦是移文，錯恠山頭日日雲。
乘興未甘回俗駕，初心終不負靈均。
紫芝香煖春堪茹，青竹泉高晚更分。
幽夢已分塵土累，清猿正好月中聞。

弘治壬戌嘗遊九華，值時陰霧竟無所觀。至是正德庚辰復往遊之，風日清明，盡得其勝。喜而作歌。

昔年十日九華住，雲霧終旬竟不開。
有如昏夜入寶藏，兩目無覩成空回。
每逢好事談奇勝，即思策蹇還一來。
頻年驅逐事兵革，出入賊壘衝風埃。
恐恐晝夜

不違自豈復山水能徘徊鄱湖一戰偶天幸遠隨歸
凱停江隈是時軍務頗多暇況復我馬方虺隤舊遊
諸生亦群集遂將童冠登崔嵬先晨霏靄尚暝晦却
疑山意猶懋猜肩輿一入青陽境忽然白日開西嶺
長風擁篲掃浮陰九十九峯如夢醒群巒踴躍爭獻
奇兒孫俯伏摩其頂今來始識九華面恨無詩筆爲
傳影層樓疊閣寫未工千朵芙蓉抽玉井恠哉造化
亦安排天下奇山此兼并攬衣登高望八荒雙闕下
見日月光長江如帶繞山麓五湖七澤皆陂塘蓬瀛
海上浮拳石舉足可到虹可梁仙人爲我啓閭闔

軒鶴駕紛紛翱翔從茲脫屣謝塵世飄然拂袖凌蒼蒼
巖頭閒坐漫成

盡日巖頭坐落花不知何處是吾家靜聽谷鳥遷喬
木間看林蜂散午衙翠壁泉聲穿亂石碧潭雲影透
晴沙痴兒公事真難了須信吾生自有涯

將遊九華移舟宿寺山二首

逢山未愜意落日更移船峽寺緣溪逕雲林帶石泉
鐘磬先度嶺月色已浮川今夜巖房宿寒燈不待懸

其二

維舟谷口傍煙霏共說前岡石徑微竹杖穿雲尋寺

去藤筐採藥帶花歸諸生晚佩聯芳杜野老春霞綴
衲衣風詠不須沂水上碧山明月更清輝

登雲峰二三子詠歌以從欣然成謔二首

淳氣日凋薄鄒魯亡真承世儒昌臆說愚瞽相因仍
晚途益淪弱手援吾不能棄之入煙霞高歷雲峯層
開茅傍虎穴結屋依巖僧豈曰事高尚庶免無予憎
好鳥求其侶嚶嚶林間鳴而我在空谷焉得無良朋
飄飄二三子春服來從行詠歌見真性逍遙無俗情
各勉希聖志毋爲塵所縈

深林之鳥何間關我本無心雲自閒大舜亦與木石

處醉翁惟在山水間晴牕展卷有會意絕壁題詩無
厚顏顧謂從行二三子隨遊麋鹿俱忘還

有僧坐巖中已三年詩以勵吾黨

莫恠巖僧木石居吾儕真切幾人如經營日夜身心
外剽竊糠粃齒頰餘俗學未堪欺老衲昔賢取善及
陶漁年來奔走成何事此日斯人亦起予

春日遊齊山寺用杜牧之韻二首

即看花發又花飛空向花前嘆式微自笑半生行脚
過何人未老乞身歸江頭鼓角翻春浪雲外旌旗閃
落暉美殺山中麋鹿伴千金難買芟荷衣

倦鳥投枝已亂飛林間暝色漸霏微春山日暮成孤
坐遊子天涯止憶歸古洞濕雲含宿雨碧溪明月弄
清暉桃花不管人間事只笑山人未拂衣

重遊開元寺戲題壁

中丞不解了公事到處看山復尋寺尚爲妻妹守俸
錢三令未得休官去三月開元兩度來寺僧倦客門
未開山靈似嫌俗士駕溪風攔路吹人回君不見富
貴中人如中酒折腰解醒須五斗未妨適意山水間
浮名于我亦何有

賈胡行

賈胡得明珠藏珠剖其軀珠藏未能有此身已先無
輕已重外物賈胡一何愚請君勿笑賈胡愚君今奔
走聲利途鑽求富貴未能得弊精勞形骨髓枯竟日
惶惶憂毀譽終宵惕惕防艱虞一日僅得五升米半
級仍甘九族誅胥靡接踵略無悔請君勿笑賈胡愚
送邵文實方伯致仕

君不見鷓鴣下鷄引類呼群豕且啼稻梁已足脂漸肥
毛羽脫落充庖廚不見籠中鶴欲翼垂頭困牢落
籠開一日入層雲萬里翱翔縱廖廓人生山水須認
真胡爲利禄纏其身高車駟馬盡桎梏雲臺麟閣皆

埃塵鷗夷抱恨浮江水何似乘舟逃海濱舜水龍山
予舊宅讓公且作煙霞伯拂水便擬逐公回爲予先
掃峰頭石

紀夢 并序

正德庚辰八月廿八夕卧小閣忽夢晉忠臣
郭景純氏以詩示予且極言王導之奸謂世
之人徒知王敦之逆而不知王道實陰主之
其言甚長不能盡錄覺而書其所示詩於壁
復爲詩以紀其畧嗟乎今距景純若干年矣
非有實惡深寃鬱結而未暴寧有數千載之

下尚懷憤不平若是者耶

秋夜卧小閣夢遊滄海濱海上神山不可到金銀宮
闕高嶙峋中有仙人芙蓉巾顧我宛若平生親欣然
就語下烟霧自言姓名郭景純携手歷歷訴哀曲義
憤感激難具陳切齒尤深怨王導深奸老猾長欺人
當年王敦覬神器導實陰主相緣豈不然三問三不
答胡忍使敦殺伯仁寄書欲拔太真舌不相爲謀敢
爾云敦病已篤事已去臨哭嫁禍復賣敦事成同享
帝王貴事敗仍爲顧命臣幾微隱約亦可見世史掩
覆多矣真袖出長篇再三讀覺來字字能書紳閉牕

試拙晉史閱中間事迹頗有因因思景純有道者世
移事往千餘春若非精誠果有激豈得到今猶憤噴
不成之語以筮戒敦實氣沮竟殞身人生生死亦不
易誰能視死如輕塵燭微先幾炳易道多能餘事非
所論取義成仁忠晉室龍逢龔勝心可倫是非顛倒
古多有吁嗟景純終見仰御風騎氣遊八垠彼敦之
徒草木糞土臭腐同沉淪

我昔明易道故知未來事時人不我識遂傳航一
枝一思王導徒神器良久覲諸謝豈不力伯仁見
其底所以敦者傭罔顧天經與地義不然百口未

負托何忍置之死我於斯時知有分日中斬柴市
我死何足悲我生良有以九天一人撫膺哭晉室
諸公亦可耻舉目山河徒嘆非携手登亭空灑淚
王導真奸雄千載人未議偶感君子談中及重與
寫真記固知倉卒不成文自今當與頻謔戲倘其
爲我一表揚萬世萬世萬萬世

右晉忠臣郭景純自述詩蓋予夢中所得者
因表而出之

無題

巖頭有一石入爲我下嶙峋脚踏破履五十兩身披舊

初四十斤任重致遠香象力餐霜坐雪金剛身夜寒
雙虎與溫足雨後禿龍來伴宿手握頑碑以老光舌
底流泉梅未熟夜來拾得遇寒山翠竹黃乳好其看
同來問我安心法還解將心與汝安

遊落星寺

女媧煉石補天漏璇璣晝夜無停走自從墮却玉衡
星至今七政迷前後渾儀晝夜徒揣摩敬授人時亦
何有玉衡墮却此湖中眼前誰是補天手

遊通天巖示鄒陳二子

鄒陳二子皆好遊一往通天十日留候之來歸又不

至我亦乘興聊尋幽巖扉日出雲氣浮二子晞髮登
夜頭谷轉始聞人語響蒼壁杳杳長林秋唼然坐我
忘去人生得休且復休採芝共約陽明麓白首無
懶黃綺儔

青原山次黃山谷韻

谷觀歷州郡驅馳倦風埃名山特乘暇林壑盤紜迴
雲石綠嶽逕夏木深層隈仰窺風霏際始覩臺殿開
衣傳西竺舊構遺唐宋杉風松溪溜急湍響空山哀
妙香隱玄洞僧屋懸穿崖板依儼龍象陟降臨緯階
飛泉瀉雲竇曲檻連雲根我來慨遺迹勝事多湮埋

邈矣西方教流傳遍中埃如何皇極化反使吾人情
剥陽率夫絕生意存於亥傷心眼底事莫負生前盃
煙霞有本性山水乞歸骸崎嶇羊腸坂車輪幾傾摧
蕭散麋鹿伴澗谷終追信恬愉返真澹聞寂辭喧歷
至樂發天籟絲竹謝淫哇千古自同調豈必時代偕
瓊重二三子茲遊非偶來且從山叟宿勿受役夫催
東峰上烟月夜景方徘徊

睡起偶成

四十餘年睡夢中而今醒眼始朦朧不知日已過
午起向高樓撞曉鐘

起向高樓撞曉鐘尚多昏睡正懵懵縱今日暮醒猶
得不信人間耳盡聾

立春

荒村亂後耕牛絕城郭春來見土牛家業苟存鄉井
戀風塵先幸甲兵休未能布德慚時令聊復題詩寫
我憂為報胡雛須遠塞暫時邊將駐南州

遊廬山開元寺

清晨入谷到斜曛徧歷青霞躡紫雲閭闔遠從雙劍
闕銀河真自九天分驅馳此日原非暇夢想當年亦
自勤斷擬罷官來駐此不教林鶴更移文

登小孤次陸良弼韻

看盡東南白二峯小孤江上是真龍
攀龍我欲乘風去高躡層霄絕世踪

月下吟三首

露冷天清月更輝
可堪遊子倍沾衣
催人歲月心空在
滿眼兵戈事漸非
方朔本無金馬意
班超惟願玉門歸
白頭應倚庭前樹
恠我還期秋又違

江天月色自清秋
不管人間底許愁
謾憶翠華旋北極
正憐白髮倚南樓
狼烽絕塞寒初入
鶴怨空山夜未休
莫重三公輕一日
虛名真覺是浮漚

依依牕月夜還來
渺渺鄉愁坐未回
素位也知非自得
白頭無奈是親哀
當年竹下曾裘仲
何日花前更老萊
懇疏乞骸今幾上
中宵翹首望三台

月夜二首

高臺月色倍新晴
極浦浮沙遠樹平
客久欲迷鄉國望
亂餘愁聽鼓鼙聲
湖南水潦頻移粟
磧北風煙且罷征
濡手未辭援溺苦
白頭方切倚闌情

舉世困酣睡而誰偶
獨醒疾呼未能起
瞪目相恠驚
及謂醒者狂群起
環鬪爭洙泗
輟金鐸
濂洛傳徵聲
誰鳴滄毒鼓
聞者皆昏冥
嗟爾欲奚為
奔走

何當聞此鼓開爾天聰明

雪望四首

展雪樓臺夜更寒曉來霽色滿山川當歌莫放陽春
調幾處人家未起煙

初日湖山雪未融野人村落閉重重安居信是
北爲語田夫莫惰農

霽景朝來更好看河山千里思漫漫茅簷日色猶堪
瀑應是邊關地更寒

法象真濛失巨纖連朝風雪費粧嚴誰將塵世化
塵好與貧家聚米鹽

世故漸改涉遇坎稍無餒每當快意事退然思辱殆
傾否作聖功物覩豈不快奈何桑梓懷衰白倚門待

啾啾吟

知者不惑仁不憂君胡戚戚眉雙愁信步行來皆坦
道憑天判下非人謀用之則行舍即休此身浩蕩浮
虛舟丈夫落落撇天地豈顧束縛如窮囚千金之珠
彈鳥雀掘土何煩用鑽鏤君不見東家老翁防虎患
虎夜入室啣其頭西家兒童不識虎執竿驅虎如驅
牛痴人懲噎遂廢食愚者畏溺先自投人生達命自
灑落憂讒避豈徒啾啾

居越詩三十四首

正德辛巳年
歸越後作

歸興二首

百戰歸來白髮新
青山從此作閒人
峯攬尚憶衝蠻陣
雲起猶疑見虜塵
島嶼微茫滄海暮
桃花爛熳武陵春
而今始信還丹訣
却笑當年識未真

其二

歸去休來歸去休
千貂不換一羊裘
青山待我長爲主
白髮從他自滿頭
種菓移花新事業
茂林脩竹舊風流
多情最愛滄州伴
日日相呼理釣舟

次謙之韻

珍重江船冒暑行
一宵心話更分明
須從根本求生死
莫向支流辯濁清
久柰世儒橫臆說
競搜物理外人情
良知底用安排得
此物由來自渾成

再遊浮峯次韻

廿載風塵始一回
登高心在力全衰
偶懷勝事乘春到
况有良朋自遠來
還指松蘿尋舊隱
撥開雲石翳蒿萊
後期此別知何地
莫厭花前勸酒盃

夜宿浮峯次謙之韻

日日春山不厭尋
野情原自懶朝簪
幾家茅屋山村靜
夾岸桃花溪水深
石路草香隨鹿去
洞門蘿月聽猿吟

猿吟禪堂坐久發清磬却笑山僧亦有心

再遊延壽寺次舊韻

歷歷溪山記舊踪寺僧遙住翠微重扁舟曾泛桃花
入岐路新多草樹封谷口鳥聲兼伐木石門煙火出
深松年來百好俱衰薄獨有幽探興尚濃

碧霞池夜坐

一雨秋涼入夜新池邊孤日倍精神潛魚水底傳心
訣棲鳥枝頭說道真莫謂天機非嗜欲須知萬物是
吾身無端禮樂紛紛議誰與青天掃宿塵

秋聲

秋來萬木發天聲點瑟回琴日夜清絕調迥隨流水
遠餘音細入晚雲輕洗心真已空千古傾耳誰能辯
九成徒使清風傳律呂人間瓦缶正雷鳴

林汝恒以二詩寄次韻為別

斷雲微日半晴陰何處高梧有鳳鳴
夢海天波浪不須驚魯郊已自非常典
臚肉寧為脫冕行
試向滄浪歌一曲未云不是九韶聲

堯舜人人學可齊昔賢斯語豈無稽
君今一日真千里我亦當年苦舊迷
萬理由來吾具足六經原只是
階梯山寺儘有閑風月何日扁舟更越溪

月夜二首

興諸生歌
于天象橋

萬里中秋月正晴
四山雲霧忽然生
須臾濁霧隨風散
依舊青天自月明
肯信良知原不昧
從他外物豈能櫻
老夫今夜狂歌發
化作鈞天滿太清
處處中秋此月明
不知何處亦群英
須憐絕學經千載
莫看男兒過一生
影響尚疑朱仲晦
支離羞作鄭康成
鏗然舍瑟春風裏
點也雖狂得我情

秋夜

春園花竹始菲菲
又是高秋落木稀
天迥樓臺含氣象
月明星斗避光輝
閒來心地如空水
靜後天機見

隱微深院寂寥群動息
心獨憐烏鵲繞枝飛

夜坐

獨坐秋庭月色新
乾坤何處更閒人
高歌度與清風去
幽意自隨流水春
千聖本無心外法
六經須拂鏡中塵
却憐擾擾周公夢
未及惺惺陋巷貧

心漁為錢翁希明別號題

錢翁名希明字文好
占博學能詩文

有漁者歌曰
漁不以目惟以心
心不在魚漁更深
北溟之鯨殊小小
一舉六鰲未足歎
敢問何如其為漁
耶曰吾將以斯道為網
良知為網太和為餌
天地為魴
絜之無意散之無方
是謂得無所得而忘無用忘

者矣

登香爐峯次蓮石韻

曾從爐鼎燻天風下數天南百二峯
勝事縱爲多病阻幽懷還與故人同
旌旗影動星辰北嶽角聲迴滄海東
世故茫茫渾未定且乘溪月放歸篷

觀從吾登爐峰絕頂戲贈

道人不柰登山僻日暮猶思絕棧雲
巖底獨行穿虎穴峰頭清嘯亂猿群
清溪月出時尋寺歸棹城隅夜款門
可笑中郎無好興獨留松院坐黃昏

書扇贈從吾

君家只在海西隈日日寒潮去復迴
莫遣扁舟成久別爐峯秋月望君來

嘉靖甲申冬二十一日再登秦望自弘治戊午
登後二十七年矣將下適董蘿石與二子來
復坐久之暮歸同宿雲門僧舍

初冬風日佳杖策登崔嵬自予羈宦迹久與山谷違
屈指廿七載今茲復一來沿溪尋往路歷歷皆所懷
躋險還屢息興在知吾衰簿午際峯頂曠望未能回
良朋亦偶至歸路相徘徊夕陽飛鳥靜羣壑風泉哀
悠悠觀化意點也可與偕

山中漫興

清晨急雨度林扉，餘滴煙稍尚濕衣。
雨水霞明桃亂吐，沿溪風煖藥初肥。
物情到底能容懶，世事從前頓覺非。
自擬春光還自領，好誰歌詠月中歸。

挽潘南山

聖學宮墻亦久荒，如公精力可升堂。
若爲千古經綸手，只作終年著述忙。
末俗澆漓風益下，平生辛苦意難忘。
西風一夜山陽笛，吹盡南岡落木霜。

和董蘿石菜花韻

油菜花開滿地金，鶉鳩聲裏又春深。
閭閻正苦饑民

多缺私常懷老圃，心自有壯州堪富貴也。
從蜂蝶漫追尋，年年開落渾閒事。
來賞何人共此襟。

天泉樓夜坐和蘿石韻

莫厭西樓坐夜深，幾人今夕此登臨。
白頭未是形容老，赤子依然混沌心。
隔水鳴榔聞過棹，映燈殘月見疎林。
看君已得忘言意，不是當年只苦吟。

詠良知四首示諸生

箇箇人心有仲尼，自將聞見著迷途。
而今指與真頭面，只是良知更莫疑。

問君何事日憧憧，煩惱場中錯用功。
莫道聖門無只

訣良知兩字是參同

人人自有定盤針萬化根源總在心却笑從前顛倒
見枝枝葉葉外頭尋

無聲無臭獨知時此是乾坤萬有基拋却自家無蓋
藏沿門持鉢效貧兒

示諸生三首

爾身各各自天真不用求人更問人但致良知成德
業謾從故紙費精神乾坤是易原非畫心性何形得
有塵莫道先生學禪語此言端的爲君陳

人人有路透長安坦坦平平一直看盡道聖賢須有

秘翻嫌易簡却求難只從孝弟爲堯舜莫把辭章學
柳韓不信自心原具足請君隨事反身觀

長安有路極分明何事幽人曠不行遂使藜茅成間
塞儘教糜鹿自縱橫徒聞絕境勞懸想指與迷途却
浪驚冒險甘投蛇虺窟顛崖墮壑竟亡生

答人問良知二首

良知即是獨知時此知之外更無知誰人不有良知
在知得良知却是誰

知得良知却是誰自家痛癢自家知若將痛癢從人
問痛癢何須更問爲

答人問道

饑來喫飯倦來眠只此修行玄更玄說與世人渾不信却從身外覓神僊

寄題玉芝庵

丙戌

塵途駿馬勞千里月樹鷓鴣足一枝身既了時心亦了不須多羨碧霞池

別諸生

綿綿聖學已千年兩字良知是口傳欲識渾淪無斧鑿須從規矩出方圓不離日用常行內直造先天未畫前握手臨岐更何語殷勤莫媿別離筵

後中秋望月歌

一年兩度中秋節兩度中秋一樣月兩度當筵望月人幾人猶在幾人別此後望月幾中秋此會中人知在否當筵莫惜殷勤望我記衰年半白頭

書扇示正憲

汝自冬春來頗解學文義吾心豈不喜願此枝葉事如樹不植根暫榮終必瘁植根可如何願汝且立志
送蕭子離憲副之任

衰疾悟止足閒居便靜修採芝深谷底考槃南澗頭之子亦早見在恍經舊丘幽尋意始結公期已先道

星途觸末暑拯焚能自由黃鵠一高舉剛風翼難收
懷茲戀丘壠回轍未忘憂徃志局千里豈伊枋榆投
哲士營四海細人聊自謀聖作正思治吾衰亮何酬
所望登才俊濟濟揚鴻休隱者嘉兆遜仕者當誰儔
寧無寥寂念宜急瘡痍瘳舍藏應有時行矣毋淹留

中秋

去年中秋陰復晴今年中秋陰復陰百年好景不多
遇况乃白髮相侵尋吾心自有光明月千古團圓未
無缺山河大地擁清輝賞心何必中秋節

嘉靖丙戌十二月庚申始得子年已五十有五

矣六有靜齋一丈昔與先公同舉于鄉聞之而
喜各以詩來賀藹然世交之誼也次韻為謝

海鶴精神老益強晚途詩價重圭璋洗兒惠比金錢
貴爛目光呈奎井祥何物敢云繩祖武他年只好共
爺長偶逢燈事開湯餅庭樹春風轉歲陽

其二

自分秋禾後吐芒敢云琢玉晚成璋漫憑先德餘家
慶豈是生申降嶽祥携抱且堪娛老况長成或可望
書香不辭歲歲臨湯餅還見吾家第幾郎

兩廣詩二十一首

嘉靖丁亥起
平思田之亂

秋日飲月巖新構別王侍御

湖山久繫念塊處限形迹遙望一水闊十年靡由即
軍旅起哀廢驅馳豈遑息前旌道回岡取捷上崎嶇
新構鬱層椒石門轉深寂是時霜始降風凄羣卉折
壑靜響江聲牕虛涵海色夕陰下西岑涼月穿東壁
觀風此餘情撫景見高臆匪從群公餞何因得良覲
南徼方如燬救焚敢辭亟來歸幸有期終遂幽尋儻
復過釣臺

復過釣臺

憶昔過釣臺驅馳正軍旅十年今始來復以兵戈起
空山煙霧深往迹如夢裏微雨林徑滑肺病雙足抵

仰瞻臺上雲俯濯臺下水人生何碌碌高尚當如此
瘡痍念同胞至人匪為已過門不遑入憂勞豈得已
滔滔良自傷果哉末難矣

右正德己卯獻俘行在過釣臺而弗及登今
茲復來又以兵革之役兼肺病足瘡徒顧瞻
悵望而已書此付廬尹沈元材刻置亭壁
聊以紀經行歲月二耳嘉靖丁亥九月廿二
日書時從行進士錢德洪王汝中建德尹楊
思臣及元材凡四人

方思道送西峯

西峯隱直境微境臨通衢行以空屢屢過眼塵迷
青林外延望中閔何由窺方巖廊器兼雲霞姿
每逢泉石處必刻棠陵詩茲山秀常玉之子囊中錐
群峯灑秋氣喬木含涼吹此行非佳餞誰爲發幽奇
柰何眷清賞局促寧至期悠悠傷絕學之子亦如斯
爲君指周道直往勿復疑

西安雨中諸生出候因寄德洪汝中并示書院諸生

幾度西安道江聲暮雨時機闕鷓鴣鳥破踪跡水雲疑
仗鉞非吾事傳經媿爾師天真泉石秀新有鹿門期

德洪汝中方卜書院成稱天真之奇并寄及之
不踏天真路依稀二十石門深竹逕蒼峽瀉雲泉
泮壁環胥海龜疇見宋出文明原有象卜築豈無緣
寄石潭二絕

僕茲行無所樂樂與二公會耳得見閑齋
固已如見石潭公天留不盡之興於後期豈謂
樂不可極耶聞學忘已平復必於不出見客
無乃太以界限自拘乎奉次二絕用發一笑
且以致不及請教之憾

見說新亭止隔山肩輿曉出暮堪還知公文已落

撒何事深林尚閉關
乘興指畫沙萬山扁舟亦復及門還莫將身病爲心
病可是無關却有關

長生

長生徒有慕苦乏大藥資名山遍探歷悠悠髮生絲
微軀一繫念去道日遠而中歲忽有覺九還乃在茲
非爐亦非鼎何坎復何離本無終始究寧有死生期
彼哉遊方士詭辭反增疑紛然諸老翁自傳困多岐
乾坤由我在安用他求爲千聖皆過影良知乃吾師

南浦道中

南浦重來夢裏行當年鋒鏑尚心驚旌旗不動山河
影鼓角猶傳草木聲已喜間閭多復業獨憐饑饉未
寬征迂踈何有甘棠惠慚愧香燈父老迎

重登黃土腦

一上高原感慨重千山落木正無窮前途且與停西
日此地曾經拜北風劍氣晚橫秋色淨兵聲寒帶暮
江雄水南多少流亡屋尚許征來行軸空

過新溪驛

猶記當年築此城廣徃湖寇正縱橫人今樂業皆安
堵我亦經過一駐兵香火沿門慚老稚壺漿遠道及

從行峯山擊手疲勞甚且放歸農耒送迎

夢中絕句

此于十五歲時夢中所作今拜伏波祠下宛
如夢中茲行殆有不偶然者因識其事于此
卷田歸來馬伏波早年兵法鬚毛皓雲埋銅柱雷轟
柝六字題詩尚不磨

謁伏波廟二首

四十年前夢裏詩此行天定豈人爲但征敢倚風雲
陣所過須同時雨師尚喜遠人知向望却慚無術救
瘡痍從來勝算歸 廊廟耻說兵戈定四夷

樓船金鼓宿烏蠻魚麗群舟夜上灘月遶旌旗千嶂
靜風傳鈴柝九溪寒荒夷未必先聲服神武由來不
殺難想見虞廷新氣象兩堦千羽五雲端

破斷勝峽

才看千羽格苗夷忽見風雷起戰旗六月徂征非得
已一方流毒已多時遷賓玉石分須早柳慶雲霓怨
莫遲嗟爾有司懲既往好將恩信撫遺黎

平八寨

見說韓公破此蠻貅十萬騎連山而今止用三千
卒遂爾收功一月間豈是人謀能妙算偶逢天助及

師還窮搜極討非長計須有恩威化梗頑

南寧二首

一駐南寧五月餘始因送遠過僧廬浮屠絕壁經殘
燹井灶沿村見廢墟撫恤尚慚凋弊後遊觀正及省
耕初近聞穡負歸犺籩莫陋夷方不可居

勞矣田人莫遠迎瘡痍未定犬猶驚燹餘破屋須先
緝雨後荒畝莫廢耕歸喜逃亡來負穡貧憐縵縵綴
旗旌 聖朝恩澤寬如海甌鮒盆魚縱爾生

往歲破桶岡宗舜祖世麟老宣慰實來督兵今
茲思田之役乃隨父致仕宣慰明輔來從事目

擊其父子孫三世皆以忠孝相承相尚也詩以
嘉之

宣慰彭明輔忠勤晚益敦歸師當五月冒暑淨蠻氛
九霄雖已老報 國意尤懃五月衝炎暑回軍立戰
勳

愛爾彭宗舜少年多戰功從親心已孝報國意尤忠

題甘泉居

我聞甘泉居近連菊坡麓十年勞夢思今來快心目
徘徊欲移家山南尚堪屋渴飲甘泉泉飢食菊坡菊
行看羅浮雲此心聊復足

書泉翁壁

我祖死 國事肇種在增城荒祠幸新復適來奉初
蒸亦有兄弟好念年思一尋蒼蒼暮景色死隔環瀛
深入門散圖史相見抱膝吟賢郎敬父執童僕意相
親病軀不遑宿留詩慰 恐落落千百載人生幾知
音道同著形迹期無死 心

易月先生文錄卷之四

陽明先生文錄卷之五

外集

書

答佟太守求雨

卷之五

昨揚李二丞來備傳尊欵且詢致雨之術不勝慚悚
今早謹節推辱臨復申前請尤為懇至令人益增惶
懼天道幽遠豈凡庸所能測識然執事憂勤為民之
意真切如是僕亦何可以無一言之復孔子云丘之
禱又矣蓋君子之禱不在於對越祈祝之際而在於
日用操存之先執事之治吾越幾年於此矣凡所以
為民祛患除弊興利而致福者何莫而非先事之禱